

2^r

Dem Durchleüchtigen Hochge-
pornen Fürften vnnd herrn/ herrn Philipfen
Landtgrauen zů Heffen/ Grauen zů Katzenellenbogen/
zů Dietz/ zů Zigenheim vnnd Neidde/ feinem
gepietenden gnedigen herrn/ wüñfchet
Caſpar Hedio. Gnad vnnd frid
durch Jefum Chriftum.

DVrchleüchtiger fürft
gnediger herr. Es möchte dafür
angefehen werden/ als ob diße mein arbeit Ege-
fippum zů verteütfchen/ der kirchen Chrifti vn-
dienftlich were/ feytenmal die hiftorien von ver-
hergung der Juden vn̄ zerftörung Hierufalem
durch Flauium Jofephum/ das vergangen jar
im truck außgangen daruon gnůgfam meldũg
thũn. Welche einred wol ein anfehẽ haben würd
wa man allein die gſchichten/ fo bede beſchriben
an jnen ſelb wolt anſchawen. Dieweil aber auch
etwas daran gelegen/ welcher maſſen ein ding beſchriben werde/ vnnd dißer
Egefippus die art vnd kunft hiftorien zů ſchreiben/ etwas baß/ dañ es im la-
teinifchen Jofepho gefehen wirt/ erũbet. Das yhenig fo er vom Jofepho ge-
nuñen/ fo ordenlich/ liecht/ vnd zierlich dargeben hat/ das es den leſer nit al-
lein/ durch mer luſt bey dem leſen erhaltet/ auch alles grüntlicher zů erwegẽ/
welches dañ nit ein ſchlechter nutz iſt/ anfüret/ funder auch an vil orten/ das
fo auß den hiftorien fürnemlich zů vermercken vnd leren gar meifterlich her-
auß ſtreichet/ vn̄ für augen ſtellet/ hab ichs dafür gehalten/ das den Teüt-
ſchen gleich fo wol als den Lateinifchen/ der Juden handel/ zerftörung/ vnd
was ſich in dem mit jnen verloffnen/ auch von Egefippo dargegeben/ zůleſen
nutzlich ſein ſolle. Dañ ob gleich vnder diſen zweyen hiftoriſchreibern/ Jofe-
pho vn̄ Egefippo/ keiner/ oder ein ringer vnderſcheid were/ der doch merck-
lich iſt/ noch dannoch fo hat es bede/ ſein luſt vnd nutz/ ſolche wichtige ding/
mer dañ bey einem hiftori ſchreiber zůleſen. Es iſt keiner/ dem der Rõmer ge-
ſchicht vnd thatten im grund zůwiſſen/ etwas angelegen/ der nit der ſelbigen
fo er ſy bey dẽ Liuio herrlich/ vnd über alle maſſen kunftlich bſchriben geleßẽ
hat/ auch bey dem Polibio/ Halicarnaſeo/ vnd andern zů leſen begere. Alfo
wer von hendlen des groffen Alexandri/ von dẽ Rõmiſchen Keiſern gerẽ ein
eigentlich wiſſen haben wolte/ d⁹ hett nit gnůg/ die ſelbigen bey einem od⁹ zwey
en zůleſen/ funder fo vil er deren haben mag/ die ſolches mit etwas glauben
vnd fleiß beſchriben haben/ geachtet werden/ die durchliß er alle. Dañ ymer
einer etwas meldet/ dz der ander vnderlaſſen hat/ vnd das ſchon yhener auch

Jofephus.

Egefippus.

Es ſchadet
nit vil hiſto-
ri ſchreiber
leſen/ die ein
handel be-
ſchreiben.

ORDA16 D152

Widmung: 2^r–A1^r; Vorrede: A3^r–A4^r

ij gemeldet

An den Durchleüchtigen Fürften

Vier Euan-
geliften be-
fchreibē oft
ein ding.

Was auß
der Hiftory
Egefippi zů
merckē fey.

Warüb E-
gefippus dē
Durchleüch-
tigen Hoch-
gebornē für-
ften in Hef-
fen 7c. dedicie
ret vnd zůge
fchriben ift.

An Chrifto
habē fich die

gemeldet/ bringt dißer baß herfür/ befchreibts yetz weitleüffiger/ yetz kürtzter yetzluftiger/ yetz ernftlicher. Vnnd ob fchon da gantz nichts geändert were/ bezeüget einer des andern fürgeben. Derhalben wir die heyligen Euangeli-
ften/ Lucam. Marcum/ vnd Johannem auch an denen orten/ da fye ebē das Matheus vor befchriben melden/ noch dennoch mit groffem luft vnd danck-
barkeit lefen. Alfo dieweil dauon Egefippus nach dem Jofepho inn difen büchern gefchriben/ das erfchrocklicheft wunderbarlicheft gericht Gottes ift/ über die welche fo lange zeyt das außewölt volck Gottes/ vnnd die gewe-
fen feind/ an welchen vns Gott die höchften/ beyde feiner milte vnd ftrenge/ vorbild vnd exempel/ geübet vnnd fürgefelt hat/ ergangen/ das des gleichen (wie der herr felber zeüget) weder vor noch hernaher ye gefchehē/ noch ymer
meer gefchehen wirt (dañ das vrplitzlich hinnemē durch den fündfluß/ oder auch das Sodomitifch feür/ difem durch fo vil/ ja mit alfo vnerhörtem fchre-
cken/ morden vnd leiden/ verlengerten verderben/ nit zů vergleichen ift) biñ ich on zweyfel/ die Chriften deren fürnemfte übung fein folle/ fich vmb folche werck/ hendel/ vnnd gericht Gottes/ mitt denen fo fein volck waren/ geübet vnnd gehandelt zum höchften an zůnemen/ die felbigen mit allem fleiß zů er-
kennen/ betrachten/ vnd darauß fich zů richten/ fürt faren in glauben/ lieb/ warer büß/ vnd allem Chriftlichen leben erwecken vnnd erhitzigen/ follen auß difer Hiftori Egefippi/ nitt ein geringe befferung/ vnd recht geiftlichen nutz vnd frummen fchöpffen.

Auß der vrfach ich dañ follich büch nach dem Jofepho zů verteütlichen/ vnnd damit es deft meer anfehens hette/ vnnd mit mercklicher frucht gelesen wurde/ vnder E. F. G. namen/ der bey allen warhafftigē Chriftē fo theür vnd hoch gehalten ift/ in die gemein zů geben/ mir fürgenummen hab. Dann ob wol Jofephus in feinen fyben büchern vom Jüdifchen krieg/ den zorn got-
tes wider diß volck klar vnnd weitleüffig anzeigt/ fo hat er doch die haubt vr-
fach ires verderbens vmbgangen/ namlich das fye es an Chrifto Jhefu dem eckftein/ dem künig über alle künig/ dem lerer der gerechtigkeit/ dē haubt der kirchen/ dem mitler zwifchen gott vnnd den menfchen/ dem oberften priefter/ dem fun des allerhöchften/ befchuldet vnd verdienet haben. Vnnd das felbig auß dem vrprünglich/ das fye die ftim vnd redgottes/ von jm Chrifto vnferm herren dem eingebornen fun gottes nitt hören noch annemen woltē/ wie auch vor der zeyt/ fye alle mal in alles ir leiden vnd verderben bracht hat/ das fy der ftim gottes nit gehorchet/ jm nit glaubt haben/ als das die glatz vn̄ der prophe-
ten bücher allenthalben zeügen. Darumb nach dem fye das göttlich wort jnē durch die Propheten für tragen/ nun eben lang verachtet/ fye auch die Pro-
pheten jämmerlich gehandelt/ vnnd iren vil erwürgt/ vnnd erft zůletft den fun Gottes/ der jnē mit fo gewaltiger göttlicher macht/ des vatters red für trüg fye zur büß ermanet/ beftätiget fein leer/ durch fo groffe vn̄ manigfaltige zeü-

Juden ver-
fündigt/ dar
umb so grof
fer vn Rath
über sye gan
gen.

chen/ vnd sich ein waren heilandt menschlichs geschlechts bewise/ so grau-
sam verfolgt/ vnd endlich am kreütz als ein Gottslefterer/ der nichts dann
des vatters eer/ den sye on vnderlaß schmäheten vnd verletzten/ gefüchet/
vmb bracht/ vnd des nit erfettiget/ nach dem sein leer vñ Apostel/ in denen sy
scheinbarlich die gottes krafft fahen/ vnd fulethen/ außzüreüen vnderfün-
den/ nit mit weniger vnfinnigkeit/ dann so einer sich vnderneme/ die gewalti-
gen wasserflüs zů verstellen/ oder die sunnen auß zů leschen/ haben sye die
gött-

Philipfen Landtgrauen in Heffen Vorred.

göttlich Maieftat fo hoch getrutzt/ fo gereitzet/ das er hat müffen feinen zorn wider fye der maffen anbrennen/ vnnd fich ereygen laffen/ als das wie yetzt gefagt/ weder vor odder nach ye gefehen ift. Dann folcher brand noch auff den heüttigen tag nit erlofchen/ funder brennet für vn̄ für wie auch die decke noch/ fo Mofe gelesen würt/ ob dem hertzen difes volcks hanget. Daher dañ kumpt das fye auch nit erkennen mügen/ das aus gemelter vrfach/ diße fo er^s fchreckliche verderbniß/ in deren fy nur bey fünfftzehen hundert jaren feind/ vnd fo lang biß fy fich an Chriftum den herren bekören/ bleiben werden wider faren ift. Ob fye wol diß zů erkennen nicht allein auß den propheten/ auß der pur göttlichen Iere Chrifti/ die fye lefen vnnd hören mügen.

Bey xvc ja^r
ren feind
die Judē in
verderbniß.

Item fo gwaltigem fůrgang vn̄ erhaltung des reichs Chrifti/ funder auch auß dem groß merckliche vrfach haben/ das alle yhre vorige verderbungen/ yhnen von verachtung wegen göttlichs worts begegnet/ fich alle mal fo gne^s digklich geendet haben/ vnd aber diße ynen widerfaren/ da fye keinen eüßer^s lichen gottes dienft öffentlich geübet/ vnd jm fchein des rechten gottes dienft nit fo übel gepflegt haben/ fo gar kein end nemen/ funder wol offtermals mit neüwer jamerlichen verfolgung vnd mordten beſchwert würt.

Vorrige ver^s
derbniß der
Juden fich
gnedigklich
geendet/ die
gegēwertig
weret für
vnd für.

In der wůften feind fy zehen mal in fchwere verachtung göttliches worts gefallen/ vnd darumb von Gott fchwerlich gtrafft/ aber nye gar hingwor^s ffen worden. Dergleichen hernacher vnder den Richtern/ haben fye auch zů den merern malen verdienet/ das fye Gott frembden tirannen ergeben hat/ aber nur ein kurtze zeit. Als dem Chufa der Mefopotamier künig/ dem Eg^s lon der Moabiter künig achtzehen jar. Dem Jabim der Chananiter künig zweintzig jar. Den Midianitern ſiben jar. Den Philiftern vnd Ammoniten achtzehen jar. Wider den Philiftern viertzig jar. Dañ er jnen alweg gar bald erwecket vnd zůfchickt/ durch die er fye von folcher dienftparkeit erlöſet hat.

In der wů^s
ftin.

Vndern ri^s
chter.

Als dē Athniel/ Eehud/ Dibbora vnd Barah/ Gideonem/ Jephthach/ Sā^s pfonem/ vnd demnach Samuelem/ Sanlem vn̄ Dauidem. Als fy dañ nach langkwiriger verachtung göttliches worts auß mörderifcher handlung gegē den lieben theuren propheten/ den Babiloniern ergeben wordē/ werer folche gefengknis nur ſibentzig jar. Der letft feind/ dem Gott verhengt/ wider diß volck befunders zů wůtten/ war der Antiochus/ wie er aber im quelen vnnd wůtten vorige tirannen vnd vertrucker Jfraels übertraff/ alfo brauchet yn Gott hierzů nur vierdthalb jar.

Babiloniſch
pfengknis
lxx. jar.

Vnder An^s
tiocho viert
halb jar.

Die gefengknis aber vnd verftoffung in welcher fye yetzund feind/ nimpt keind end/ vnd würt wol eben zům dickermal mit neüwē verfolgen vnd mör^s den jāmerlich beſchweret/ vnd herber gemacht. Darbey diß arm volck/ yha wol ab zůnemen hette/ das fye nun in fchwererem zorn gottes feind/ dañ vor ye. Vnd fo der felbig nach dem außgetruckten hellen wort gottes nur deßhal ben ye vnd ye über fye anbrennet hat/ vnd anbrennen mocht/ das fy fein ftim̄

Yetzige ge^s
fengknis d⁹

nit haben hören/ vnd feinen worten glauben wöllen/ folten fye yha leicht vermercken (das fy nun/ nach dem fye vnfern heyland Jefum Chriftū verworfen vnd gecreütziget/ vnd fein lere fo graufamlich verdamt/ die recht götliche lere vnd gfat3 zum aller höchften verworffen vnd verdamet haben/ wie auch die felbig kein prophet fo klar hell vnd gwaltig der welt ye fürtragē/ vnd mit folchen wundern beftetigt hat) in folcher beharrlichen verderbniß weren.

Juden.

Jefus Chriftus.

Dißes hat nun Egefippus als ein Chrift erkennen vnnd darmit das wir

iiij Chriften

An den Durchleüchtigen Fürften

Am exem=
pel der Ju=
den follē die
Chriften ler=
nen·

Was die ver=
achtung der
leer Chriffti
bring·

Chriften an folchem fo erfchrecklichen graufamen exempel/ das vns Gott an Juden erzeigt hat/ erlernenen vnd war nemen/ was die verachtung vnd verwerffung der leer vnfers herren Jefu Chriffti bringe/ hat er fo fleißig befchribē vnnd dargeben/ wie ſye die Juden nach endtlicher verwerffung/ des heiligē Euangeliōs vnfers herren Jefu Chriffti/ vnnd graufamer verfolgung aller deren/ die ſich an das ſelbig begeben/ ym̄er von einem vnglück in das ander/ durch die gerechte rach gottes gefürtzet worden feind/ alles gūten taths vn̄ einigkeit beraubt/ mit allem vnuerftandt/ freuel vnd vermessenheit in einander ſo verwirret/ verhetzet/ wütend vnnd rafend gemacht/ das es alles voller auffrūr/ teglicher meüterezen/ verrätherezen/ mordt vnd blūt vergießung/ fo gar on alles erbermbd vnd menſchlichen finn erfüllet ward/ das ſich jhren ire tödtliche feind meer dañ ſye ſelbs erbarmten. Das feür/ die hell vnder jnē da ſye das Euangelion Chriffti gar von ſich geſtoffen hetten/ anzündet/ hatt gebrandt/ vnd iſt für vnd für größer vn̄ graufamer worden/ biß Hierufalem nach dē es fo lang die belegerung geweret/ nichts anders dañ ein todtengrab vnd ſchelmengrüb gewefen war/ von wegen des täglichen mōrdens ſo in jhr fūrgienge/ gefchleiff vnn̄ gantz verhergt ward/ erſchlagen biß in die zehentmal hundert tauſent/ wie diſer Egeſippus daruon ſchreibet/ gefangen/ vnd hingefürt bey ſyben vnd neüntzig tauſent/ vnd vor der belågerung zwentzig tauſent erwürgt zū Cefarea/ zū Scythopoli. xij. tauſent/ zū Alexādia funfft halb tauſent/ zū Damaſco zwölfftauſent/ in Aſcalon durch Veſpalianum zehentauſent, nachmals acht tauſent zū Gadara. xij. tauſent/ zū Tarichea/ durch Titum/ ein jämliche ſchlacht/ das der ſee daſelbft mitt blūt geferbt/ vnd voller körper floß/ vnd nit ein Jud daruon kame. Wiewol in der 3al d⁹ gefangnen vnd erwürgten vor/ jm/ vnd nach dem krieg etwas vngleicheit hie in Egeſippo vnd ſunft in Joſepho vermerckt würt/ dañ Joſephus im ſibenⁿ den bûch im. xvij Capitel ſagt/ das dem gantzen krieg gefangnen/ gezelt worden. xxvij. tauſent/ vnd ſo lang die belegung gewert/ feind zehen mal hund⁹t tauſent todt bliben/ die feind dē mer erteil Juden gewefen/ aber nit einlendiſch/ dann ſy hetten ſich auß allen landen auff den Oſterlichen tag verſamlet/ vnd warden mit vnuerſehenem krieg vmbgeben.

Teütfche bû=
cher ſo yetz
und an tag
kommen.

Vnd ſye dem allē nach in diſe endtliche blindtheit/ dienſtbarkeit vnd todt/ in denē ſy yetzund feind kummen/ der allmechtig Gott gebe/ das die fülle der heiden bald eingange/ vnd ſich dañ auch die oleybent Jſrael wider kere vnd auffrichten/ vnd gentzet werden die zerbrochnen åft des heyligen ölbaums/ vn̄ verleyhe vns Teütfchē (denē ich mitt diſer meiner arbeit zum heil zū dienen begere) hertz vnnd finn/ das wir allen inhalt diſer hiſtory eben wol beſehen/ vn̄ zū hertzen faffen.

Dann funder zweyfel/ wie diſe hiſtory nun durch vil jar/ in denen ſunft eben manig theür herilich bûch verloren worden/ vnd zū grundt gangen/ ge

meiner kirchen in latein auß befundern gnaden Gottes behalten/ also ist es
auch frey sein vnser himlischen vatters/ väterliches gechefft/ wie ein ge-
ringer werckzeüg ich darzû binn/ das solche hiftory nun auch den Teütschē
(nach dem Eufebio/ etlichen büchlin Tertulliani vnnd Cypriani/ Jofepho
vnd andern nützlichen vnd heilfamen geschribten) zûlesen fürtragen wirt.
Vnd dieweil Johānes Chriofotomus ein treffelicher lerer vil heilfams dings
geschriben/ soll es Gott in kurtzem fügen/ das seine Coñmentarij vnnd außle-
gung in Matheum vñ. 7c Johānem/ auch in Teütscher zungē glesen werdē.

Die

Philipfen Landtgrauen in Heffen Vorred.

Die andern vólcker vnd beuorab die Italianer/ haben vns lange zeyt als Barbarifch grobe vnuerftendig vnartige leütt/ die mitt keinē menfchlichē verftandt/ gúttē künften oder fitten/ welche ein menfchlich leben erft recht menfchlich machen gezieret feye gehalten/ vnd noch. Ob wol bey jnen leyder die höchfte Barbary/ das ift allerley vihilche lafter/ vnd merckliche vntrew gegen frembden/ vnd vnder jnen felbs nit wenig gefehen wirt. yedoch fo wir dem herren mit bekenning der warheit/ den preiß geben follen/ ift by vns leyder zú vil barbary von altem hár erfunden worden/ an ftatt der rechten gúten künften/ eben vil jar einher haben wir vns laffen überfüren/ mit vnnütze tandten/ vnd nichtigem fchein viles gefchwetztes/ das niemandt gewißt hatt/ was es fey/ oder wazú es diene/ wie vns das von Italianern/ Hispaniern/ vnd Gallis/ den Gotthen wandlen vnd Hunen/ kinder vnd nachkommenen dargereicht ift.

Daher kein rechter verftandt/ weder in göttlichen noch in menfchlichen fachen hat mögen vffkumen/ vnnd feind wir alle etlicher weniger leüt/ die fich Lateinifcher fprachen/ vnnd dañ göttlicher vnd menfchlicher recht/ artzney vnd anderer künften wol hoch berúmbt/ vnd das mit anfychtigen fchau ben/ kappen/ ringen baretten/ vnd anderm gebreng/ befundern fchein für ge wendet/ aber wenig mit nutz geleiftet/ vnd in der that bewifen haben/ lauter fchlauen vnd knecht gewefen feind. Gott hatt in dem auch etwan feine gúthertzigē/ rechtuerftendige gehabt/ ob feye wol gegen den gemelten wenig haben außrichten mögen/ folche follen von mir hiemitt vngetadlet fein.

Auß folchem ift dann kumen/ das auch die waren künft vnd fprachen in folchen verdacht bey vilen dapffern erbarn leüten bracht feind/ das nit allein die regenten viler ftett/ funder auch Keifer Friderich der dritt in feiner reformation verfehen hat/ das in gerichten kein gelerter oder Doctor fitzen folle/ fo doch ye gelerter/ vorab in rechten/ ye beffer hie zú weren

Aber die Doctorey wolte vil láres gefchwetz/ allfentzifche vmb treiben/ vnd der andern gúten hellen verftandt/ durch ir nit latein/ funder wie mans auß Italia gelert/ Gottifch/ oder wie bey vns gefagt/ kuchin latein verduncklen. Das zwar ja billich nit zú dulden/ vnd vil weger auß gúttē leyfchem verftandt vnd natürlicher billigkeit/ recht vnd fchleinig/ dañ außfalch an genummener kunft/ vnrecht oder verwerret vnd verwicklet gehandelt.

Dahár ift dañ auch geuolget/ dz niemandt gewefen/ der der Teüfchen gefchicht vnnd thatten/ deren etwan vil herrliche vnnd die langer gedechtnüß/ würdig weren/ füngangen feind/ befchriben hetten/ das yetz alles verfinftret vnnd verduncklet ift. Da ift kein fürft/ kein ftatt/ kein volck/ das doch fein vrfprung vnd herkommen/ oder etwas gründtlichs von feinen eltern hette.

In difem hat man vns ja wol Barbarifch zúfchelten/ fo man vns wil als gegen den alten Griechen vnnd Rómern halten. Dann es bey den yetzigen

Wir feind et wan fchlauē vnd knecht der barbary. gewefen.

Warüb ware kunft vnd fprachen bey den alten in verdacht kumen.

Kein gelerter oder doctor in gerichten.

Niemandt hat der Teüfchen herrliche thatē gefchriben.

auch nit vil befferer ift/ wañ bey vns vor difer zeyt gewefen.

Nun aber damit der gütig Gott/ lich auch ein mal ein Gott der Teütfchen bewyfe/ wie er vns von alter her verlauchen/ die herrlich gab der freyheit. Dann das auch die Römifchen fchreiber zeügen/ man habe fye oft mitt kriegē gen wol angefochten/ aber nicht bekrieget. Darumb man fye dann Alemanos/ das ift All man genant hatt/ vnnd Agrippa fagt in einer Oration vnnd red/ fye hetten gröffere gemüter dann leiber. Jtem befundere/ treüw/ glauben/ vnnd fründtlichkeit/ auch gegen den frembden/ des yhnen auch
Grie

Gott beweiset
fich ein
Gott der
Teütfchen.

Freyheit der
Teütfchen.

An den Durchleüchtigen Fürften

Erkantnus Chrifti bey dē Teütſchē	Griechiſche vnd Lateiniſche hiſtori ſchreiber zeügknis geben. In dem ſye yha wolye vñ ye gar weyt weniger barbariſch/ dañ die vns barbariſch am mey ^ſ ften ſchelten/ gewefen ſeind. Alfo hat er nun vns mit getheylet ein liechte pur lautter erkantnis ſeines ſuns vnſers herren Jefu Chrifti/ welche wie ſye kin ^ſ der gottes vnd des himels machet/ alfo benimpt ſye recht alle barbary vnd vnmenſchliche arten/ fitten vnd weyſen/ vnd nach dem ſye bringt vnd dahin treibt/ das ſich der menſch nach allem ſeinem vermögen zů nutz vñ dienſt ſei ^ſ nes nechſten/ vnd gantzes menſchlichen geſchlechts erbebe vñnd geprauche/ fůret ſye auch dahin/ das man ſich vmb alle gůtte kunft vñnd ũbungen auff das getreüwlicheit annimpt/ vnd in denen auch ettwas außrichtet. Dañ da iſt der geiſt gottes/ der alles zů gmeiner befferung anſtellet. Dahers nun ků ^ſ men/ das der barmhertzig himliſch vater yetz etliche jar einher den Teütſch ^ſ en beſtien (alfo neñet man vns bey vilen heiligen vātern zů Rom) geben hat der maſſen nach den fürnemen ſprachen/ vnd allen gůtten künſten zů eyfern/
Spruch Jo ^ſ han. Pichyet ^z fleißt die Ti ^{ber} in Rein.	das Johannes Picus ein hochgelerter Italianiſcher graff vorzweintzig ja ^ſ ren geſchriben hat. Yetz fleußt die Tiber in Rein. Das iſt die ſprach vñ kunft ſo etwann zů Rhom an der Tiber gewefen/ findet ſich yetz am Rein bey dē Teütſchen. Vnd zwar wer die warheit bekennen will mag das nit leücknen/ das yetz ein gůtte weil ſo vil/ vnd fürtreffeliche gelerte Teütſchen in götlich ^ſ en vnd andern gůtten künſten gewefen/ vnd noch ſeind/ das ſich Teutſchlād dißer gabenhalb gegen keiner nation/ welche die noch ſeye/ ſchmucken darff. Aber wol vilen weytt fürgeſetzt werden mag.
Gelerte Teütſchen.	Der Religion halben aber vnd recht Chriftlicher lere (niemand zůrne ab der warheit) hat ſye Gott auff diß mal/ mit folchem verftand vnd wiſſen be ^ſ gabet/ das ſye Gott des mer dañ alle nationen in aller welt zů dancken hat. Wir ſollen yhe erkennen/ vnd mit aller danckbarkeit veryehen/ was wir von Gott empfangen haben. Vnangeſehen das vns die Rōmiſchen mit jrem an ^ſ bang für/ vñ für ketzer abtrinnige von Chriftlicher kirchē/ die die ſacramēt/ Chriftliche ordnungen vñ Ceremonien verachten/ die mütter gottes vnd alle lieben heiligen ſchmāhen/ werck verpieten/ betten/ faſten/ vñnd keüſchheit verſpotten. Solch geſchrey ſolle auch billich bey allen rechtferftendigen/ an ^ſ geſehen deren leben vnd thůn/ die vns folchs zů dem fürnempften auff trey ^ſ ben / kein anfehens haben. Man ſihet yhe wol an frůchten/ was yedes für ein baum iſt.
Religion d ^ſ Teütſchen.	Dann ſolle das gmein geſchrey der welt gelten/ weyß man yhe/ das von aller welt keinem glauben yhe ſo übel geredt/ vñnd keine Religion yhe ſo herb verſolget iſt/ als der glaub vñ religion/ die Chriftus der herr ſelbs gepredigt/ die Apoſtel in aller welt außgebreyttet/ die marterer mit yhrem blůt bezeugt alle lieben heiligen vātter mit jrer treüwen arbeit fürgetriben/ vñnd erklä ^ſ ret habē. Der maſſen haben Fürften herren vñnd ſtett vnd die ſo man für die
Chriftlicher glaub ye vñ ye verhaſſet in der welt.	

beften vnder allem volck hat/ von Chriften gehalten/ das fye alles vnglücks
was ye fürgieng/ es were vom himel/ vom waffer/ feür/ luchten/ miß wachs/
krieg/ vnd aller welt vnradt der lich ymer erhübe/ den Chriften die fchuld ga-
ben/ vnd fye darumb auch zû aller marter riffen/ für die wilden thier wurff-
en/ als ob jr glaub vn lere (deren fye in aller vnſchuld anhiengen/ niemandt
überal beleidigten/ mengklich auch jren ergften finden alles das gût/ fo jnen
ymer möglich bewyfen) erger vnd aller welt ſchadhaffter were/ dann alle die
lafter

Philip Landtgrauen in Heffen Vorred

lafter/ pracht/ ftoltze/ ehebruch/ hūrey/ vnmenſchliche vnkeüfcheit/ aller be-
trug/ vntrew/ verråtherey/ mōrdery/ damit doch dazūmal die welt gantz vñ
gar überſchwemmet war/ wie das ir Hiftory ſchreiber vnd Poeten überflüſ-
ſig bekennen/ noch ward aller der vnrath der für gieng/ nitt folchen vyhiſchē
ja teüffliſchen/ funder dem waren Chriftlichen leben zygemeſſen.

Alles übel
vnd aller vn-
rath dem
Euangelio
zūgefchriben

Der glaub ift nit yedermans ding/ fo ift der erwōlten wenig/ die welt aber
groß/ vnd deren fo nach luft jres fleiſchs leben/ allenthalben vil/ die haſſen nū
Chriftum vnd den vatter/ der Sathan regniert/ vnd hat ſye nach ſeim willē
gefangen. Darumb ſich keine gottsfōrchtige/ der welt gefchrey/ noch auch
groſſen ſchein vnnd brachtigs für geben eigner heyligkeit/ dieweil gleißnerey
fo vil vermag/ das es die falſchen Apofitel in ftrenge des lebens dē Paulo für
thettē/ vñ jm gantze vōlcker abfellig machtē/ dahin bewegen laſſen ſollen/ dz
ſye vnſer leer vñ religion/ noch vnerforſchet vñ vnerkant verdammen woltē.
Man gunne vns das recht/ das keinem mōrder noch verråther abgeſchlagen
wirt/ verurteile vns nit ee/ dañ vnſer ſach im grundt erkennet ſeye. wer dañ
des ſelbigen geneigt were/ vnd wie ſich gebürt nach angerūfftem geiſt Got-
tes/ der allein die tieffe gottes erforſchet/ vnd on den alle göttliche ſachē/ gar
nit mögen verſtanden/ funder werden für ein thorheit gehalten/ thūn wolt/
der wūrde gar bald ſehen/ das wir vns/ wie durch warē glaubē/ an den rech-
ten hirten vnnd Biſchoff vnſerer ſelen ergeben/ alfo auch durch ware liebe/
mit allen die vnfern heylandt Jefum Chriftum in der warheit anrūffen/ auff
die beſte weiß vereinbaret vnd eingeleibet haben. Solche wōllen ye bey ſeinē
vnſers einigen himmeliſchen meifters wort vor allem bleiben/ das wōllen wir
nun auch.

Vnſer leer
vnd religion
vnerforſchet
vñ vnerkant
folt man nit
verdammen

j Cornth. ij.

Glaub

Lieb.

So ift die Chriftlich kirch die/ welche nit anders dañ Chriftus ir lieber ge-
ſpons vnd gemahel will/ vnd vns gelernet hat/ in iren ſinn kummen laſſet/ dē
ſelbigen wolten wir nun gern auch mit höchſtem fleiß anhangen vnnd nach-
kummen.

Chriftlich
kirch.

Alfo würt man es auch finden der Sacrament halben/ welche wir alle/
wie vns der herr die ſelbigen mitt ſeinen reichen zūſagungen eingefetzt/ vnnd
zū üben befohlen hat/ zū üben vnnd halten begeren/ das durch den tauff alle
die den empfaßen/ in ſeinem todt zū einem rechten waren himliſchen leben ge-
taufft/ vnd die zū ſeinem heiligen abendtmal gan/ durch ſeinen leib vnd blüt
zum ewigen leben/ in der warheit geſpeißt vnd getrenckt werden/ vnnd was
man ſunft heylige zeichen vnd ceremonien von jm/ den Apoftlē oder auch an
dern liebē Chriſten/ gebraucht üben wil/ das folchs immer alfo beſchehe/ das
glaub an gott/ vnd liebe zum nechſten/ dahin alle ſeine leer/ handlung vnd be-
felch gerichtet ſeind/ damit gefürdert vnnd generet werde.

Sacrament.

Tauff.

Nachtmal.

Eben der maſſen würt mans erkennen/ fo vil die lieben heyligen belangt/
das wir namlich der hochwirdigen mütter des herren/ vñ allen liebē heyligē

Vereerung
Marie der

die eer zů beweifen begeren/ die wir follen/ vñ fy für eer vñ vns erfordern vnd annemen/ mitt namen/ das wir mitt jnen vor allem dem gehorchen vns ergeben/ preysen vnnd loben/ dem fy ob allem gehorchet/ sich ergeben/ geeeret vnd geprißen haben/ vnd in ewigkeit eeren vnnd preysen.

hochwirdi-
gen müter
vnd der lie-
ben heyligen

Also alles das yñmer mer gůtte werck mügen geheylffen werden/ woltē wir gern bey vns vnd meniglich zům getreüwlichften fürdern/ wie auch wares betten falten vnd keüfchheit. Aber diewen wir nit künden denen gehellen/ die yhren

Gůte werck

An den Durchleüchtigen Fürften

<p>Warumb man vns ketzer vnnd auffrührer ſchilttet.</p>	<p>yhren pracht gwalt reichthumb vnd luft der eeren Chrifti Jefu öffentlich für fetzen/ vnnd gepietten das ftracks wider Chriftum ift/ geben das dem eüßern dienft der priefter zû/ welches allein ein werck vnd gab ift vnfers herren Jefu/ wölln das dem geitz vnnd vernichten leben dienen folle/ welches zûr furder= nuß glaubens vnd liebe eingefetzt vnd von allen waren kindern gottes/ dar= zû allen ye vnd ye geprauchet vnd geübet ift/ werffen der lieben heiligen Sa= crament/ Ceremonien/ betten/ falten/ vnd dergleichen ding für/ fo doch au= genſcheinlich gefehen würt/ das man des alles gar nit meynet oder begeret/ funder nur das man über das erbtheil des herren regiere/ vnd von jm habe/ dardurch man in allem pracht vnd üppigkeit/ öffentlichen ſchand vnd lafter lebe/ das wir nun nit hie zû ftimē vnd helffen mügen/ müffen wir abtrinni= geketzer vnd auffrührer feyn/ zerftören vñ zerreyffen alle gütte Chriftliche ord= nung fitten vnd policey/ vnd werdt fein/ das man mer gedencke wie wir dan der erbfeindt des Chriftlichen namens der Türck/ oder die aller ergelten leüt fo auff erden feind/ vertilckt werden.</p>
<p>Teütfchland fehe mit zû.</p>	<p>Hie fehe aber Teütfch nation mitt zû/ vrteil nit nach dem anfehen/ funder ein recht gericht/ ftehe jr felbs nit fürs liecht/ verachte vnnd verlaſſe nit die theüre gnad/ fo yr auß groffer barmhertzigkeit gottes/ wider allen jren ver= dienft angepotten würt/ werde nit gleich den armen verdampften Juden/ die gleicher maſſen yhr eigen heil von yhn ftieffen. Derhalben als ſich leyder vil gegen dem heiligen Euangelio dem theüren feligmachenden ſchatz erzeigen folln alle die nach Gott fragen/ in warheit den vatter ya fleiffig bitten/ das er vns Teütfchen die augen wölle auff thûn/ das wir feinen lieben fun/ der ſich vns yetz fo gnediglich vor allen andern nationen anbeüttet/ recht erken= nen vnnd mit warem glauben annemen. Die zeyt vnferer heimfûchung vnd vnfers heils ift yetzund/ verlaſſen wir ſy/ dürffen wir vns warlich keines an= dern glücks/ dan wir in Joſepho vnd Egeſippo leſen über die Judē gangen fein verfehen. Darüb ermane ein yeder wen er kan oder mag/ das er die ſach recht anfehe. Es ift doch yha Chriftus vnnd Bapft/ diener Chrifti vnnd des Bapfts wol für einander zû erkennen. Man nimpt ſich etwann vil diſputie= rēs an/ von Gwalt der kirchen/ Sacramenten/ heiligen Ceremonien/ vnnd dergleichen/ aber in warheit allein die leüt zû blenden/ das man meynen foll/ es feye den leütten auch etwas an göttlichen dingen gelegen.</p>
<p>Chriftus/ Bapft Die= ner Chrifti vnd Bapfts</p>	<p>Man fehe aber nur auff das/ wir alle von Jugend geleret feind/ auff die zwelff artickel des glaubens/ auff das Vatter vnfer/ auff die ſum̄ des gſatz= es/ vnd wiſſe das der herr nit liege/ das man von dornen nit würt trauben le= ſen. Weren leütt die nur glaubten/ das ein Gott were/ das Chriftus Jheſus vnfer einiger heyland vnnd erlößer were/ wir wolten vns aller Ceremonien vnd kirchen gepreüchen leycht vereinigen. Wer ift doch fo einfeltig der nicht wiſſe/ wer an Jefum Chriftum als fein einigen heyland glaubt vnd jn liebet/</p>
<p>xij. artickel des glaubēs</p>	<p>Man fehe aber nur auff das/ wir alle von Jugend geleret feind/ auff die zwelff artickel des glaubens/ auff das Vatter vnfer/ auff die ſum̄ des gſatz= es/ vnd wiſſe das der herr nit liege/ das man von dornen nit würt trauben le= ſen. Weren leütt die nur glaubten/ das ein Gott were/ das Chriftus Jheſus vnfer einiger heyland vnnd erlößer were/ wir wolten vns aller Ceremonien vnd kirchen gepreüchen leycht vereinigen. Wer ift doch fo einfeltig der nicht wiſſe/ wer an Jefum Chriftum als fein einigen heyland glaubt vnd jn liebet/</p>
<p>Vater vnfer</p>	<p>Man fehe aber nur auff das/ wir alle von Jugend geleret feind/ auff die zwelff artickel des glaubens/ auff das Vatter vnfer/ auff die ſum̄ des gſatz= es/ vnd wiſſe das der herr nit liege/ das man von dornen nit würt trauben le= ſen. Weren leütt die nur glaubten/ das ein Gott were/ das Chriftus Jheſus vnfer einiger heyland vnnd erlößer were/ wir wolten vns aller Ceremonien vnd kirchen gepreüchen leycht vereinigen. Wer ift doch fo einfeltig der nicht wiſſe/ wer an Jefum Chriftum als fein einigen heyland glaubt vnd jn liebet/</p>
<p>x. Gepott.</p>	<p>Man fehe aber nur auff das/ wir alle von Jugend geleret feind/ auff die zwelff artickel des glaubens/ auff das Vatter vnfer/ auff die ſum̄ des gſatz= es/ vnd wiſſe das der herr nit liege/ das man von dornen nit würt trauben le= ſen. Weren leütt die nur glaubten/ das ein Gott were/ das Chriftus Jheſus vnfer einiger heyland vnnd erlößer were/ wir wolten vns aller Ceremonien vnd kirchen gepreüchen leycht vereinigen. Wer ift doch fo einfeltig der nicht wiſſe/ wer an Jefum Chriftum als fein einigen heyland glaubt vnd jn liebet/</p>

das sich der auch befleyffet zûwandlen wie er gewandelt hat/ vnd das an fey^r
nem reich kein hûrer/ oder geitziger/ oder abgöttlicher/ oder ein truncken^r
boltz/ oder ein rauber kein teil hat.

Es feind ja wol vil verwirrette geift/ fecten/ rotten/ gwaltige vnnd groß
auffgeblaßne gleyßnerey die ein englische geiftligkeit fürgeben/ alles dahin
gerichtet/ das der theür fchatz des heiligen Euangelij veracht/ vnnd verfch^r
mehet werde/ vnd diße fo on dz nit vil luft haben/ vrfach nemen sich des felben

zû

6^r

Philipfen Landtgrauen in Heffen Vorred.

zû entchlagen. Aber fo gütig ift vnfer himlifcher vatter/ wöllē wir in warer gelaffenheit vnd vnfer felbs verleügnüß der warheit anhangen/ er wirt vns die felbigen nimmer meer verbergen/ vnd geben das wir fye erfehen vñ fallen mögen/ wañ noch fo vil irthumb vnd falcher leer einriffe/ vñ noch fo ein dickē er nebel des liegens vnd falchēs verleimbdungens/ gegen der vngezweyfelten leer Chrifti/ denen die fye verkünden/ vnnd ihr anhangen fürgefchüttet wurde.

Als zwar das kein gleiches ift/ vnnd dahin kummen/ das nichts fo vnge reimpts erdicht werden mag/ vnd es von Euangeliſchen/ vnnd beuorab von Predicanten gefagt/ fo hat man fein nur kein zweyfel meer/ muß gewiß vnnd Amen fein/ ob man gleich das widerſpyl fychet vñ greiffet/ da ſchemet ſich auch niemants/ wie theür vnd groß der ſich immer ſchetzet.

Hiebey aber feytenmal es nit ab gan/ folch verfolgen/ verliegen vñ widerſatz/ nach dem das fleiſch blöd ift/ macht es vil gütthertziger matt. So machen auch die gefchwinden alfantzen/ fo man die lügen zû ferbē brauchet. Auch fo vil feltzamer irriger meinungen/ die durch die rottengeiſter täglichen auff bracht/ werden vil einuالتiger offt irt.

Dagegen folten nun die/ fo die warheit ettwas recht erkennt/ diſer meer wachen/ rath vnd hilff thûn alles jres vermögens/ damit vns Teütſchen diſer aller theürest ſchatz des Euangelij bleiben/ vnd täglichs ferrer auch zû andern nationen bracht werden/ vnnd nemlich in dem/ das man treüwlich leüt pflantzet vnd auffzüge/ durch die follich liecht künfte ymer baß fürbracht vnd ſcheinbarer werden. Dann wa nit ein mercklich einſehen hieren beſchicht/ muß von notwegen bald an werckzeügen gottes groffer mangel beſcheinen/ Dañ der größter teil Teütſcher nation/ die ſeinen zû nichts wenigens/ dann zû der warē Euangeliſchē leer zeucht. So ift das fleiſch fo blöd/ wa ſchon etwan gezimmen möchte/ ſich der göttlichen gefchriſt an zunemen/ dz man bedencket/ was gfar vnnd ſchmach denen begegne/ die in folcher ettwas wiſſen/ vnd in der felbigen gern treüwlich dienē woltē/ dz man ſich lieber/ der vff Juriftery/ der ander vff artzney vnd andere künfte geben. So doch wiſſend das die heylig gefchriſt/ das trefflichſt vnd fürnemſt ift/ dieweil gott nit alle mal will wunder wircken/ vnd das man zum rechten verftandt kumme/ auch vil zeyt müe vnd arbeit zûgehoret. Vnnd aber die reichen/ die jren meer zû jhrem Gott dem zeytlichen güt zû dienen verwidmen/ dañ das fye nach dem Euangeliſchen berlin/ vnnd denen künften/ durch die fye auch andern nütze weren/ wurben. Vnnd es die armen nit zû verlegen haben/ nach dem das genant erb des gecreützigten/ das vnſleglich kirchen gütt/ das doch nur zû vnderhalten vnnd auff zû ziehen/ die in Chriſtlicher leer vilen dieneten/ ſampt den durfftigen gebrauchet werden folte/ die in haben/ deren fürnemſte handlung/ vnd höchter ernſt dahin gericht ift/ das die lauter hell warheit Chrifti verdunckē

Lugē wider Euāgelische vñ predican ten.

Der ſchatz des Euangelij ſolt durch die Teütſchē auch andern nationen zû kummen.

Leüt auffzû ziehen zû ftu dieren.

Juriſten Artzet wenig Theologi.

Reiche.

Arme.

Kirchen güter.

let/ vnnd von denen eingethon werde/ welche dauon nitt weyter leren/ dann
jnen zů jrem gewalt/ pracht/ vnd feigen leben nützet.

So feind dann der andern auch nitt wenig/ die dennoch wóllen gefehen
fein/ der warheit anhengig fein/ die vil lieber duldeten/ das ettwan einer/ der
mitt feinem bauch zů ſchwerer ergernüß lebet/ acht hundert oder tauſent
gulden des Jars von den kirchen güteren verſchwende. Dann fo auff die
fo

An den Durchleüchtigen Fürften

fo zů wolfart der kirchen follen erzogen werden/ oder der felbigen gemeyn im wort getreüwlich dienen/ fo vil folt genant werden als ire bloffe notturfft erforderet. So gar vermeinet der teüfel/ in dem das Chrifto vnferm herrn befunders ergeben/ vnd zů fürderung feiner eeren fürnemlich gebraucht werden foll/ feinen müßwillen vnd pracht allein zů treiben.

Gelerte
gottsförchtige
fuerben/
niemandt
wirt an ftatt
auffgezogen

In dem fuerben hin/ die Gott mit etwas rechtem verftandt/ vnd gütem eyfer begabet hat/ vnd wirt niemandt an die ftatt erzogen/ fallen die fecten vnrothen ein mit hauffen/ vn̄ wirt allgemach dz theür heilfam liecht des Euan gelij verduncklet/ vn̄ in abgang bracht/ welches vns dañ (wa nitt befferung fürgenummen wirt) eben das geben müß/ das den Juden ir vndanckbarkeit vnd verftockte verachtung göttlichs worts gebracht hat. Solchem verderben follē alle Chriften ires vermögens vor zů fein vnderfton/ mitt warnen bitten/ flehen/ heyligen exempeln/ vnnd was gott einem yeden zů merung feines reichs hie zů verleihet. Dañ ye vnfer gemeins heil hierinnen ftat. Yedoch denen/ fo Gott meer gewalt verluhen/ vn̄ als vil als feinē weingartē zů bauen/ vnd feine fchefflin zů weiden befolhen/ Als da feind alle Chriftuerftendige oberkeiten hierinnē einzufehen gebüret.

jm recht Chriftlichen geift zum himmelreich gelert werden/ der heyligen gefchrifft/ vnd aller güter kunft vnd littē gründtlich bericht feyen/ damitt nitt allein kein abgang zů beforgen feye/ funder auch wa vnfer himlifcher vatter wolte fein erndt erweitern/ wie er dann noch täglichs thüt/ jhm fey ewiges lob/ vnd wa wir nur recht wachen/ vnd vnfers ampts wol warten/ ye lenger ye meer thün wirt/ weñ fich die feind der warheit noch fo gewaltig entgegen fetzten/ das tägliches fchnits vnd treüwer arbeyter kein mangel befchinne. Gott hat durch follich mittel ye vnd ye gehandelt/ vnd fein glauben vnnd erkantnüß durch das gehörs des Euangelij kummen laffen vnd gfterckt werdē. Darumb wir vns gar nit zů verfehen haben/ das dz reich Chrifti anders bey vns beftan oder fürbracht werden möge.

Vniuerfitet
des Churfürften
von
Saxen.

Deßhalben allen Chriften wol zů bitten ift/ das alle Chriftliche fürften vnd ftend/ difes fo wol bedechten/ vnnd darzů iren fleiß der maffen fürwendeten/ als vō dem Durchleüchtigē Hochgebornē Churfürften in Saxen/ vn̄ E. F. G. befchicht/ welche darzů ire vniuerfiteten vffgericht/ vnd auch vff den felbigen fo vil der armen/ bey denē Ingenia gefpürt werden/ erhalten. Wa nun difem fo recht fürftlichem heilfamen exempel E. F. G. von vilen nach guolget wurde/ fo folte ob Gott will nit allein den Chriftlichen gemeinden/ fo yetzund feind/ funder auch wol gantzer Teütfcher natiō/ des orts noch wol gerathen werden.

Vniuerfitet
zů
Marburg.

Es ift
Gottes
werck

Nun es ift ein werck Gottes/ den wöllen wir bitten/ das ers gnediglich volführen wölle/ wie ers auch wunderbarlich angefangen hat/ vnnd darzů

den follen wir bitten. E. F. G. vnd andere Churfürften vnd herren lang befriden vnnd beglückē en/ damit ir Chriftliche redt vnd fürhaben/ zů troft aller deren die Got in der warheit lüchen/ vnd dann durch dife gantzer Teütfchen nation fchleinygen fürgang verleyhen. Dann fo Gott Sodomen vnnd Gomorren wolte verfchonet haben/ fo nur zehen gerechter da weren erfunden wordē/ mögen wir wol hoffen/ wa doch die/ welche das heylig Euangelion Chrifti recht erkennen/ dem felbigen mit warem eyfer anhangen/ vnnd zů feinem vffgang/ vnd

A1^r

Philip Landtgrauen in Heffen Vorred

vnd erbreiterung mit aller gelassenheit vnſchuld/ fleiß vnd ernſt dienen wolten/ Gott ſolte gnad thun/ das die warheit ymer weyter wurde angenuemen verachtung feines heiligen worts ſampt andern ergernuffen abgefelt/ vnnd Teüfchland ein landt des herren/ vnnd ſein wares erbtheil werden ſolte. Das gebe der himlſche vatter/ der vns nun mer ſo vil herrlicher gnaden bewiſen hat/ vnd behüt vns yha vor der graufamen vndanckbarkeit vnd verachtung feines worts/ die dann alles im grund verderbet/ vnd abtilcket/ wie das in diſem Egeſippo vns in gar erſchrocklichen Exempeln fürgebildet iſt. Den wölle Eür Fürftlich Gnad ſo ſye des anderer recht groffen vn vilen geſchäftten halb weyl haben mag etwañ auch befehen/ hab nit zweyfel ſye werde des luſt vnd nit geringe befferung befinden.

Vndäckbarkeit zúfliehē.

Etliche diſputiern daruon/ das es nit eben der Egeſippus ſein ſolle/ von dem Hieronimus meldet. 7c. Deßhalben wil ich mit niemand ſtreiten/ es ſeye diß er oder ein anderer/ ſo hat er vns die ſachen beſchriben/ die vns zú wiſſen hoch nutzlich ſeind/ vnd das ſelbig der maſſen/ das einer auch mit befunderm luſt vnd gütten verſtand leſen mag/ ſo artlich vnd meiſterlich hat er alles geſetzt/ die feynſten künftlichſten reden eingefürt/ alles mit tapffern ſprüchen vnd ſententzen an feinen orten geſchmuckt/ liechte ſchöne ordnung gehalten/ vnd was dann zú einer künftlichen wol geordneten hiſtorien dienet/ nichts vnderlaſſen. Sant Auguſtins bücher/ Vō Chriſtlicher lere/ Vō dem geiſt vnd büchſtabē/ Vom glauben vnnd wercken/ die vnder allen feinen büchern nit die geringſten ſeind/ ſollen ob Gott will auch bald gefertige werden. Hiemit wölle der Almechtig Gott E. F. G. zú feinen eeren vnd zú troſt aller deren ſo ſein namen anrúffen in lang wiriger gfundeheit gnediglich bewaſren. Geben zú Straßburg den acht vnd zweintzigſten tag des Jenner im Jar nach der gepurt vnſers herrn Jefu Chriſti. XXXij. A

A3^r

Verzeichnung etlicher mercklicher sachen

groffen namen waren/ feind geplündert vnd flucks mit feür angeftoffen worden. Die männer fo in den fcharmützlern vnd fchlachten vmbkuñen/ der feind auff fünfftzig taufent gewefen. Mit hunger krankheit vñ durch feür ift ein groffe mæng verzert worden. Also ift gar nach alles Jüdifch land eroßt worden. Welch verderben/ auch vor dem krieg vil ding jnen verkündigt habe. Dann Salomonis grab/ welches fye in höchfter vereerung vnnd reuerentz hielten/ ift von jm felber auß niemants zúthun erfchüttet vnd zú boden gfallen. Die wolff vnd Hyene feind hin vnd wider in der ftatt heülende vmb geloffen. Es ift aber der fig den Römern nit on blút getigen/ dañ iren vil vmbkommen feind. Darumb Adrianus zúm Radt zúm Rhom fchreibend/ fich defen anfangs gar nit geprauch/ wie andere Keifer pflegten/ namlich auff diß weiß. So jr vnd eüwere kinder gefundt feind vnnd jnen wolgadt ftadt die fach recht. Jch vnnd das hör feind auch gefundt/ vnd gadt vns wol. Nachmals als die Juden befritten hat Adrianus Seuerum in Bithiniam gefandt/ zwar nit zúm krieg/ funder dieweil die prouintz eins landpflegers vñ gubernierers der gerecht weiß vnd in einem anfehen vnd würdigkeit were bedorffte/ welches alles fañen in jm was. Vnd diß ift das end des Jüdifchen kriegs gewefen.

1. taufent erschlagen.

Wolff

Hyene thier in Africa greülich wie löwen vnnd wölff.

Formular Römifcher brieff.

Erleütterung vnd bericht auff etliche wörtlin eigentlicher zú verfton.

¶ Ariftocracia/ ift ein regiment/ in welchem die aller fürnempften vnnd beften guberniern/ vnd befchreibt Volateranus in feinen büchern viererley policey. Monarchia/ als da ift das Neapolitanifch reich. Meyland vnd andere principat.

¶ Ariftocratia/ als da ift Venedig da die aller beften mit jrem Fürften regnieren.

¶ Democratia/ als da feind Florentiner/ Senenfer/ Lucenfer/ da zúr oberkeit vnd in Radt auch das volck on vnderfchid zúgelaffen würt. Vnnd die viert Policey ift Tirañis/ gibt Volateranus zú der papiftifchen iurisdiction die von vilen herfchern angefallen ift. Das aller beft regiment were Monarchia/ da Chrifus Monarcha/ das ift regierer were/ vnnd menigklich feinen mandaten vnd edicten gehorfamet/ wurden alle ding grünen vnd wol fton.

¶ Auguftus würt genant der Imperator vnnd Keifer/ der yetz und fchon im keiferthumb regniert. Cefar würt genant der vnderm Keifer ift/ vnd aber nach jm Keifer werden foll. Also ift Fridericus der dritt Auguftus genant gwefen/ vnd Maximilianus Cefar/ vnd ift ein vnderfcheid zwifchen Imperator vnd Cefar/ also in dißer hiftori/ hindten auß ift Vefpafianus Imperator/ das ift Keifer genant/ vnd würt aber Titus Vefpafiani fun von kriegs

knechten Cefar/ das ist Rhömischer künig/ oder der Keifer werden solt auß-
gefchrüwen.

¶ Allophili feind außlendige die eins andern geschlechts feind/ vnd frēb-
der nation/ wie die Philister gegen Juden/ Türcken/ gegen Chriften.

¶ Coloffus was ein eerin bildtnis des Keifers Domitiani zů roß/ welche
er jm nach der Teüfchen sig auff groffe feülen gftelt. Ist auch zů Rodis ein

A ij bildtnis

A3^v

Erleütterung etlicher wörtlin

bildtnüß der funnen gewesen/ fünff vnd hundert schûch hoch/ daruon Colofsi/ groffe gebeüw vnd bildtnüffen/ wie die thürn hoch auffgefûret.

¶ Hypogeum ist ein ort vnder dem erdtrich/ ein krufft, oder der gleichen.

Hydra. Plato schreibet/ das Hydra ein gantz scharpfffiñig/ sopherisch weib gewesen ist/ die da pflegt vil zû schwetzen/ vnd die fragen der massen für zû legen/ das so eine auffgelößet/ vil an die statt wûchfen/ vnd Lernea Hydra das monstrem vnd thier/ dauon die poeten fingiren/ das es im Lerneer see sey/ vnd vil köpff hab/ vnd so jm etlich ab gehawen/ wachsen zur stund an der an statt/ welches Hercules übertritten.

¶ Intestina bella/ feind inderliche oder burgerliche krieg/ die am schedlichsten sein/ wiewol auß den hiftorien vermerckt wirt/ das außlicher krieg den burgerlichen oft geleit vn gestillet hat/ wie man lißt vö dem der zwen hund an einander gehetzt/ vnd nachmals ein wolff vnder sy gelaffen/ an den beyde hund gefallen. 7c.

Juno Argina die bey den Griechen ist geeret worden zû Argis.

Olympius Juppiter/ der auff dem berg Olympo ist vereeret worden/ welcher berg vom hellen funnen schein/ feytenmal er nimmer wolcken hatt/ also genant ist. 7c.

Olympier spyl/ die man allweg zû fünff jaren ein mal hielt. Dannen hâr auch der Griechenzal Olympiades/ wie wir Chriften von Chriftus geburt/ kumpt oft in hiftorien/ vnd Quinquennalia certamina/ die streit so alweg zû fünff jaren gehalten/ deren erftē Hercules zû eeren Pelopis gehalten hat.

Oriens/ nennet difer Egippus das wasser bey Antiochia hâr fließen/ das von auffgang der sonnen entspringend/ nicht weyt von der statt inn das môr sich verbirgt/ würt bey Plinio vnd andern Orontes genant/ Syriam von Antiochia abteilend.

¶ Perea neñet Stephanus de urbibus ein stettlin Syrie. Difer Egippus aber/ nennet es ein gegne/ jhenlyt dem Jordan/ die Manaffe befolhē ist gewesen/ im. iij. c. des dritten büchs/ vnd soll jren namen dahâr empfangen haben/ das Euphrates das wasser/ in sye zûkommen/ müßt überschiffet werden/ als so mann in latein sagte per eam. Dannenhâr etlich mütmassen das difer author vrsprünglich in Latein geschriben habe/ wie dan auch andere an zeige folches im wort Oriens Pharam/ im. iiij. büch im xxvij. Cap. da er der

Griechifchen vnnd Lateinifchen gedencket. 7c. fein mögen. Gib ich dem latei-

nifchen lefer meer/ daß dem Teütfchen weyter zů erwegen.

Pharum. Pharos ift ein Infel vor Egipten. Plinius/ vnnd ein vaft groß-
fer thurn by Alexandria/ welcher denen fo zů fchiff faren/ bey nacht leuchtet.
Dahår auch andere thürn zů dem gebrauch gemacht Pharo genant wer-
den/ darumb die liechter darauß erfcheinen.

¶ Scenopegia/ ift ein hochzeytlich feft der Hebreer/ welches fye vnder
hütten in der wüften gehaltē. Lauberhütten feft/ funft Succos genant/ wel-
ches fye am fünffzehenden tag des Herbftmonats anfahren zů halten.

A4^r

Erleütterung etlicher wörtlin

¶ Scena von Tapeeten oder meyen werck/ damit schatten gemacht also
grheiffen/ würt für ein blatz/ darauff man lieder singt oder spil treibet gnü-
men/ vnd feind Scenici ludi/ folche kurtzweil vnd spil übungen.

¶ Tragedia/ ein wichtige gattung Poetischer gedicht/ das vom ellēd ver-
yagen mord/ jamer vnd nott sagt/ wie der Juden verhergung ein recht Tra-
gedy genant würt.

¶ Thiefter malzeit/ waren in denen kinder geeffen wurden/ daruon in den
Poetischen fahlen/ vnd bey Eusebio vnd Tertulliano die Chriſten dißes la-
fters aber mit onwarheit gezigten worden. Also lißet man in Eusebio im. iij.
büch im achten Capitel. Der teüfel alles gütten hat fein werckzeüg/ damit er
die yhenen so den glauben schon empfangen wider verführte/ oder andere so
noch nitt herbey kummen verhinderte. Dannenhår auch kummen ist/ das
man argkwon gefalltet hat von den Chriſten/ als ob nye in aller vnlautekeit
mit vnd on einander lebten/ vnnd yre eigne kind/ das ein verrücht ding were
würgten/ vmbrechten vnd freffen. 7c. Doch hat diße schmach nit lang gewe-

ret/ funder die warheit des vnſchuldigen lebens der Chriſten zû hand an tag
kumē. Vnd hat sich also zûwwagen das die secten vñ rotten so wider die war-
heit auff kumē/ von tag zû tag getrennt vnd vergangen/ vnd der Chriſt-
lich glaub/ bey vilen an allen orten mit ler vermanung/ that vnnd leben
herfür brochen ist. Es ist auch diß flaß der schmåhung der Chriſten
so bald sy auffgangen widerüb verlofchen. Wie dan ein krefftig
ding vmb die warheit. Darumb dann zucht/ erbårkeit vnd
frumkeit Chriſtlichs glaubēs/ wiewol von den bößen ver-
leffert/ durchbrochen hat/ vnd ist kummen zûn Rö-
mern/ Griechen/ Scythen/ Barbarn/ vnnd
an alle ortt der welt. Hie würt es
gefagt von dem weib das jr
kind geeffen hat.

¶ Merck.

* Das fternlin soll den leser erinern der außbündigtē ort vñ für-
trefflichſten sententzē in Egeſippo/ oder was sunft zû mercken
fürauß ist 7c.

¶ Das ſchwertlin zeigt zûm merer mal blût vergieffen an/ vñ
zal der erfchlagenen. 7c.

